



بُدھل نا علاقہ

موسم تگّو پیارا پیار بُدھل نے علاقے نا
 یارو سُنو خوب نظارا بُدھل نے علاقے نا
 دسوئی تہ رچھ بگلے اندر ٹھنڈیاں چلن ہواواں
 گھبر، گلیر، بھروت، بھتان تھیں میں قربان ہو جاواں
 سب شہراں تھیں شہر ہے پیارا بُدھل نے علاقے نا
 یارو سُنو خوب نظارا بُدھل نے علاقے نا
 لوک اِتھونے سدھے سادے رشوت خوراں لُٹی کھاہدے
 گجھاں کیتے چھوٹھے وعدے پورے کیتے نیہہ ارادے

آپس بچ اخلاق ہے پیارا بُدھل نے علاقے نا
 یارو سُنو خوب نظارا بُدھل نے علاقے نا
 پھلنی مگی کدے نیہہ پھلنی رَ ب نے اُتھے رحمت دُھلنی
 ٹھنڈی ٹھنڈی ہوا ہے چھلتی پیلی پیلی سریاں پھلنی
 اشرف اُتھے ڈیم ہے پیارا بُدھل نے علاقے نا
 یارو سُنو خوب نظارا بُدھل نے علاقے نا

قاری محمد اشرف

1۔ اوہکھے لفظاں نامطلب:

پیارا پیار : خوب صورت، دل ٹھگنا
 لٹی کھاہدی : لوٹ کھسوٹ کیتی
 اخلاق : چنگا طور طریقہ، میل ملاپ، گل بات
 چھلنی : ہوانا چلنا

2۔ مندرجہ ذیل سوالاں نے جواب دیو:

- (۱) بُدھل نے گجھاں گراواں نے ناں لکھو؟
- (۲) بُدھل نے لوک کسراں نے ہین؟
- (۳) رَبّ نی رحمت شاعر نے مطابق کتھے دُھلنی ہے؟
- (۴) ڈیم کس علاقے پنج ہے۔

3۔ سمجھوتہ کرو:

لفظ ”پیارا پیارا“ پنج پیارا لفظ دو بار برتیا گیا ہے۔ ایہہ اس واسطے دو بار لکھیا جانا ہے تاں جے لفظ نی تاثیر نی شدت ظاہر کیتی جائی سکے۔ تُس اسراں نے پنج مرکب تلاش کرو۔

